

Baksaek: “Cehgenh Banggungz” Ndaej Bang Ra Hong Vutgungz

百色：“扶贫车间”助力就业脱贫

5 nyied 14 hauh, youq Baksæk Si Yougyangh Gih Vanghden Yauzcuz Yangh giz senjdieg banggungz senj daeuj youq haenx aen cehgenh banggungz, gyoengq gunghyinz cingqcaih nyaengq fudfud dwk guhhong. Aen gih neix gaenxmaenx yinxhaeuj aen giyez yungh vunz lai haenx daeuj doengh aen mbanj neix guh aen “cehgenh banggungz guhhong”, sou gyoengq gungzhoj vunzhong daeuj bakranz bonjfaenh guhhong, saedyienh demsou vutgungz. Daengz dangqnaj, daengx gih gaenq guh ndaej 5 aen “cehgenh banggungz guhhong”, vih vunz lai gungzhoj daezhawj guhhong gangjvei 600 lai aen.

(Luz Gez/陆杰)

► Youq bakranz bonjfaenh miz hong guh caen ndei.



Gunghcwngz:

Guhhoengh Ginghci Lajmbanj Ndaem Lwgmak Ceiq Lai

恭城：振兴乡村经济 水果为主力军

5 nyied 10 hauh banringzgvaq, gyoengq vunzmbanj Gunghcwngz Yauzcuz Swciyen Gunghcwngz Cin Vayuz Cunh youq ndaw mbanj bonjfaenh cang makdauz yaek daehci bae gai.

Gunghcwngz vih guhhoengh ginghci lajmbanj, yinx gyoengq nungz-minz gyarengz hwngfat canjyez lwgmak daegsaek, ndaem makdauz saekhenj, makdauzyouz, maksanhvazlij daengj fanh moux doxhwnj, duenh neix daeuj gak dieg lauxbanj cungj ciengj ruru dwk daeuj soucawx lwgmak.

(Cwng Ciminj/郑智敏)



▲ Gyoengq vunzmbanj genj mak cang mak yaek dawz bae gai.

Vanzgyangh: Banh Minzcuz Vunznoix Lenzyizvei

环江：举办少数民族联谊晚会

5 nyied 9 hauh doengxhaemh, Vanzgyangh Mauznanzcuz Swciyen youq aen yienh neix Swh'wnh Cin Cinsangh Cunh Mbanjmyauz Sanghloz banh aen lenzyiz hozdung bi 2018 Vanzgyangh minzcuz vunznoix —— “Hungzyangz minzcuz daih doxgiet doengzsim guh siengjmuengh Cungguk”.

Danghaemh hozdung neiyungz miz cien vunz ngaiz daizraez, vwnzyi biujyienj, caux feizdong lienzangq daengj 6 aen cawjdaez, sengdoengh gangmingz le vunz lai minzcuz vunznoix caezgya roengzrengz, caezgya fanzyungz hwngfat gij doxgiet cingzsaenz de.

(Cinz Gvanghgoh/陈光科)



▲ Lenzyizvei yienhciengz.

Yungzsuij: Daenj Swjcan Langhbyaij Angqhoh Ciet Daxmeh

融水：旗袍走秀欢度母亲节



▲ Daenj swjcan langhbaij angqhoh ciet daxmeh.

5 nyied 13 hauh dwg ciet daxmeh, Yungzsuij Myauzcuz Swciyen boux gyaezmai swjcan haenx youq Yungzsuij Cin Sihdung Cunh banh aen hozdung daenj swjcan langhbyaij, bak lai boux daxmeh daenj swjcan gak cungj saek byaij henz naz, gvaq henz fai, haeuj mbanj, youq ndaw bya heu raemx saw langhbaij gij gyaundeih mehmbwk, angqhoh ciet daxmeh.

(Lungz Linzci/龙林智)